



巢氏諸病源候總論卷三十

唇口病諸候 凡十七論

口舌瘡候

手少陰心之經也心氣通於舌足太陰脾之經也脾氣通於口府藏熱盛熱乘心脾氣衝於口與舌故令口舌生瘡也診其脈浮則爲陽陽數者口生瘡其湯熨針石別有正方補養宣導今附于後

養生方導引法云凡人覺脊背岢強不問時節縮咽膊內仰面弩膊并向頭上左右兩向按之左右三七一住待血氣行動定然始更用初緩後急不得先急後緩若無病人常欲得旦起午時日沒三辰如用辰別二七除

寒熱病脊腰頸項痛風痺口内生瘡牙齒風頭眩終盡除也

### 緊脣候

脾與胃合胃爲足陽明其經脈起鼻環於脣其支脈入絡於脾胃脾胃有熱氣發於脣則脣生瘡而重被風邪寒濕之氣搏於瘡則微腫濕爛或冷或熱乍瘥乍發積月累年謂之緊脣亦名藩脣

### 脣瘡候

脾與胃合足陽明之經胃之脈也其經起於鼻環於脣其支脈入絡於脾胃胃有熱氣發於脣則脣生瘡

瘡凡脣生核候

足陽明爲胃之經其支脈環於脣入絡於脾然脾胃爲表裏有風熱邪氣乘之而衝發於脣與血氣相搏則腫結外爲風冷乘其結腫不消則成核

口吻瘡候

足太陰爲脾之經其氣通於口足陽明爲胃之經手陽明爲大腸之經此二經脈並俠於口其府藏虛爲風邪濕熱所乘氣發於脈與津液相搏則生瘡恒濕爛有汁世謂之肥瘡亦名燕口

脣口面皴候

脣口面皴者寒時觸冒風冷冷折腠理傷其皮膚故令皴劈經絡之氣諸陽之會皆在於面其脈有環脣俠於

口者若血氣實者雖勁風嚴寒不能傷之虛則腠理開而受邪故得風冷而皴劈也又冬時以暖湯洗面及向火外假熱氣動於腠理而觸風冷亦令病皴

### 兔缺候

人有生而脣缺似兔脣故謂之兔缺世云由婦人妊娠時見兔及食兔肉使然

### 口臭候

口臭由五藏六府不調氣上胷鬲然府藏氣臊腐不同蘊積胷鬲之間而生於熱衝發於口故令臭也

養生方云空腹不用見臭尸氣入脾舌上白黃起口常臭也

口舌乾焦候

手少陰心之經也其氣通於舌足太陰脾之經也其氣通於口府藏虛熱氣乘心脾津液竭燥故令口舌乾焦也診其右手寸口名曰氣口以前脈沉爲陰手太陰肺之經也其脈虛者病苦少氣不足以息嗑乾無津液故也又右手關上脈浮爲陽足陽明胃之經也其脈虛者病苦脣口乾又左手關上脈浮爲陽足少陽膽之經也其脈實者病苦腹中滿飲食不下咽乾

舌腫強候

手少陰爲心之經其氣通於舌足太陰脾之經其氣通於口太陰之脈起於足大指入連舌本心脾虛爲風熱

所乘邪隨脈至舌熱氣留心血氣壅澀故舌腫舌腫脈  
脹急則舌腫強

謇吃候

人之五藏六府稟四時五行之氣陰陽相扶剛柔相生  
若陰陽和平血氣調適則言語無滯吐納應機若陰陽  
之氣不和府藏之氣不足而生謇吃此則稟性有關非  
針藥所療治也若府藏虛損經絡受邪亦令語言謇吃  
所以然者心氣通於舌脾氣通於口脾脈連舌本邪乘  
其藏而搏於氣發言氣動邪隨氣而干之邪氣與正氣  
相交搏於口舌之間脈則否澀氣則壅滯亦令言謇吃  
此則可治

養生方云憤滿傷神神通於舌損心則謇吃

重舌候

舌心之候也脾之脈起於足大指入連於舌本心脾有熱熱氣隨脈衝於舌本血脈脹起變生如舌之狀在於舌本之下謂之重舌

懸癰候

懸癰爲音聲之闕也喉嚨氣之所上下五藏六府有伏熱上衝於喉咽熱氣乘於懸癰或長或腫

喉咽垂倒候

喉嚨者氣之所上下也五藏六府呼吸之道路府藏有風邪熱氣上衝咽喉則腫垂故謂之垂倒



失欠領車蹉候

腎主欠陰陽之氣相引則欠諸陽之筋脈有循領車者  
欠則動於筋脈筋脈挾有風邪邪因欠發其氣急疾故  
令失欠領車蹉也

數欠候

腎主欠而腎爲陰也陽氣主上陰氣主下其陰積於下  
者而陽未盡陽引而上陰引而下陰陽相引二氣交爭  
而挾有風者欠則風動風動與氣相擊故欠數

失枕候

失枕頭項有風在於筋脈間因臥而氣血虛者值風發  
動故失枕

喉心胃病諸候

凡十一論

喉痺候

喉痺者喉裏腫塞痺痛水漿不得入也人陰陽之氣出於肺循喉嚨而上下也風毒客於喉閒氣結蘊積而生熱致喉腫塞而痺痛脈沉者爲陰浮者爲陽若右手關上脈陰陽俱實者是喉痺之候也亦令人壯熱而惡寒七八日不治則死其湯熨針石別有正方補養宣導令

附于後

養生方導引法云兩手拓兩頰手不動搜肘使急腰內亦然住定放兩肋頭向外肘髀腰氣散盡勢大悶始起來去七通去喉痺

又云一手長舒合掌仰一手捉頰挽之向外一時極勢  
二七左右亦然手不動兩向側勢急挽之二七去頸骨  
急強頭風腦旋喉痺內冷注偏風

### 馬喉痺候

馬喉痺者謂熱毒之氣結於喉間腫連頰而微壯熱頰  
滿而數吐氣呼之爲馬喉痺

### 喉中生穀賊不通候

穀賊者禾裏有短穗而強澀者是也誤作米而人食之  
則令喉裏腫結不通今風熱氣在於喉間與血氣相搏  
則生腫結如食穀賊者也故謂之喉中生穀賊不急治  
亦能殺人

寒五狗咽候 寒即不降

喉內忽有氣結塞不通世謂之狗咽此由風熱所作與  
喉痺之狀相似但俗云誤吞狗毛所作

又云治此病者以一搏飯共狗分食便瘥所以謂之狗

咽

### 咽喉瘡候

咽喉者脾胃之候也由脾胃熱其氣上衝喉咽所以生  
瘡其瘡或白頭或赤根皆由挾熱所致

尸咽候

尸咽者謂腹內尸蟲土食人喉咽生瘡其狀或痒或痛

如甘蜜之候

喉咽腫痛候

喉咽者脾胃之候氣所上下脾胃有熱熱氣上衝則喉咽腫痛夫生腫痛者皆挾熱則爲之若風毒結於喉間其熱盛則腫塞不通而水漿不入便能殺人藏氣微熱其氣衝喉亦能腫痛但不過重也

喉癰候

六府不和血氣不調風邪客於喉間爲寒所折氣壅而不散故結而成癰凡結腫一寸爲癰二寸至五寸爲癰

咽候不利候

府藏冷熱不調氣上下哽澀結搏於喉間吞吐不利或塞或痛故言喉咽不利

心痺候

思慮煩多則損心心虛故邪乘之邪積而不去則時害飲食心裏悞悞如滿蘊蘊而痛是謂之心痺診其脈沉而弦者心痺之候也

胃痺候

寒氣客於五藏六府因虛而發上衝胃閒則胃痺胃痺之候胃中悞悞如滿噎塞不利習習如痒喉裏澀唾燥甚者心裏強否急痛肌肉苦痺絞急如刺不得俛仰胃前皮皆痛手不能犯胃滿短氣欬唾引痛煩悶自汗出或徹背膺其脈浮而微者是也不治數日殺人其湯熨針石別有正方補養宣導今附于後

養生方云以右足踐左足上除胃痺食熱嘔

四肢病諸候 凡十四論

代指候

代指者其指先腫焮焮熱痛其色不黯然後方緣爪甲  
邊結膿極者爪甲脫也亦名代甲亦名糟指亦名土窻  
一作窻夫爪甲筋之餘也由筋骨熱盛氣澀不通故腫結  
生膿而爪甲脫

手足發胝候

人手足忽然皮厚澀而圓短如繭者謂之胼胝此由血  
氣沉行不榮其表故皮澀厚而成胝

手足逆臚候

手足爪甲際皮剝起謂之逆臚風邪入於腠理血氣不和故也

肉刺候 肺者長脈宗榮脈不詳也  
脚趾閒生肉如刺謂之肉刺肉刺者由著靴急小趾相措而生也

肉裂者皮急肉坼破也由腠理虛風邪乘之與血相衝擊隨所擊處而肉坼裂也

手足輝裂候

輝音暉

輝裂者肌肉破也言冬時觸冒風寒手足破故謂之輝裂



尸脚候

尸脚者脚跟圻破之名也亦是冬時觸犯寒氣所以然又言脚踰死屍所卧地亦令脚圻破

足腫候

腫病者自膝已下至踝及趾俱腫直是也皆由血氣虛弱風邪傷之經絡否澀而成也亦言江東諸山縣人多病腫云彼土有草名其草人行誤踐觸之則令病腫

五指筋攣不得屈伸候

筋攣不得屈伸者是筋急攣縮不得伸也筋得風熱則弛縱得風冷則攣急

手足四支痛無常處候之並風邪入於筋脈血氣不

四支痛無常處者手足支節皆卒然而痛不在一處其痛處不腫色亦不異但肉裏掣痛如錐刀所刺由體虛受於風邪風邪隨氣而行氣虛之時邪氣則勝與正氣交爭相擊痛隨虛而生故無常處也

脚跟頹候

脚跟頹者脚跟忽痛不得著地世呼爲脚跟頹

脚中忽有物牢如石如刀錐所刺候

言脚下有結物牢韌如石痛如錐刀所刺此由腎經虛風毒之氣傷之與血氣相擊故痛而結韌不散

土落脚趾內候

此由脚趾先有瘡而土落瘡裏更令瘡腫痛亦令人憎

寒壯熱

脚破候

脚破者脚心圻開也世謂之脚破脚心腎脈所出由腎氣虛風邪客於腠理致使津液不榮故圻破也

脚中冷汗少者或不收口難收

脚腫應容風與冷能不收者此非氣濕也

脚風應冷

交年休癢脚腫面赤通熱當宜出

受外風邪風來翻葉面赤熱熱之則癢癢則熱熱則

辭或不可也亦不異也肉裏癢或收斂口視皖南建德

國文獻熱常數者平或文前料卒然而熱不周氏校刊

巢氏諸病源候總論卷三十一

瘰癧等病諸候 凡一十五論

瘰候

瘰者由憂恚氣結所生亦曰飲沙水沙隨氣入於脈搏  
頸下而成之初作與櫻核相似而當頸下也皮寬不急  
垂槌槌然是也恚氣結成瘰者但垂核槌槌無脈也飲  
沙水成瘰者有核癩癩無根浮動在皮中又云有三種  
瘰有血瘰可破之有息肉瘰可割之有氣瘰可具針之  
養生方云諸山水黑土中出泉流者不可久居常食令  
人作瘰病動氣增患

瘰候

癩者皮肉中忽腫起初梅李大漸長大不痛不痒又不  
結強言留結不散謂之爲癩不治乃至壅大則不復消  
不能殺人亦慎不可輒破

腦濕候

腦濕謂頭上忽生肉如角謂之腦濕言腦濕氣蘊蒸衝  
擊所生也

黑痣候

黑痣者風邪搏於血氣變化生也夫人血氣充盛則皮  
膚潤悅不生疵痕若虛損則黑痣變生然黑痣者是風  
邪變其血氣所生也若生而有之者非藥可治面及體  
生黑點爲黑痣亦云黑子

赤疵候

面及身體皮肉變赤與肉色不同或如手大或如錢大亦不痒痛謂之赤疵此亦是風邪搏於皮膚血氣不和所生也

白癩候

白癩者面及頸項身體皮肉色變白與肉色不同亦不痒痛謂之白癩此亦是風邪搏於皮膚血氣不和所生也

癩瘍候

癩瘍者人有頸邊胷前掖下自然斑剝點相連色微白而圓亦有烏色者亦無痛痒謂之癩瘍風此亦是風邪

搏於皮膚血氣不和所生也

疔目候

疔目者人手足邊忽生如豆或如結筋或五箇或十箇相連肌裏粗強於肉謂之疔目此亦是風邪搏於肌肉而變生也

鼠乳候

鼠乳者身面忽生肉如鼠乳之狀謂之鼠乳也此亦是風邪搏於肌肉而變生也

多忘候

多忘者心虛也心主血脈而藏於神若風邪乘於血氣使陰陽不和時相并隔乍虛乍實血氣相亂致心神虛

損而多忘

養生方云丈夫頭勿北首臥神魂不安多愁忘

嗜眠候

嗜眠者由人有腸胃大皮膚澀者則令分肉不開解其氣行則於陰而遲留其陽氣不精神明爽昏塞故令嗜眠其湯熨針石別有正方補養宣導今附于後

養生方導引法云蹠踞交兩手內並脚中入且兩手急引之愈久寐精氣不明交脚蹠踞凡故言蹠踞以兩手從內屈脚中入左手從右趺腕上入左足隨孔下右手從左足腕上入右足隨孔下出抱兩脚急把兩手極引  
二通愈久寐精神不明久行則不睡長精明



又云一手拓頰向上極勢一手向後長舒急努四方顯  
于掌一時俱極勢四七左右換手皆然拓頰手兩向共  
頭欹側轉身二七去臂髀風眠睡尋用永吉日康

鼾眠候

鼾眠者眠裏喉咽間有聲也人喉嚨氣上下也氣血若  
調雖寤寐不妨宣暢氣有不和則衝擊喉咽而作聲也  
其有肥人眠作聲者但肥人氣血沉厚迫隘喉間澀而  
不利亦作聲

體臭候

人有體氣不和使精液雜穢故令身體臭也其湯熨針  
石別有正方補養宣導今附于後

養生方云以手掩口鼻臨目微氣久許時手中生液速以手摩面目常行之使人體香

### 狐臭候

人腋下臭如葱豉之氣者亦言如狐狸之氣者故謂之狐臭此皆血氣不和蘊積故氣臭

### 漏腋候

腋下常濕仍臭生瘡謂之漏腋此亦是氣血不和爲風邪所搏津液蘊瘀故令濕臭

### 丹毒病諸候

凡一十三論

### 丹候

丹者人身體忽然焮赤如丹塗之狀故謂之丹或發手

疔源候論 卷三十一  
足或發腹上如手掌大皆風熱惡毒所爲重者亦有疽之類不急治則痛不可堪久乃壞爛去膿血數升若發於節間便流之四支毒入腸則殺人小兒得之最忌

白丹候

白丹者初發痒痛微虛腫如吹軫軫起不痛不赤而白色由挾風冷故使色白也

黑丹候

黑丹者初發亦痒痛或燦腫起微黑色由挾風冷故色黑也

赤丹候

赤丹者初發軫起大者如連錢小者如麻豆肉上粟如

雞冠肌理由風毒之重故使赤也亦名茱萸丹

丹軫候

丹軫者肉色不變又不熱但起隱軫相連而微痒故謂爲丹軫也

室火丹候

室火丹初發時必在腓腸如指大長三二寸瘦色赤而熱是也

天竈火丹候

天竈火丹發時必在於兩股裏漸引至陰頭而赤腫是也

廢竈火丹候

廢竈火丹發時必於足趺上而皮色赤者是也

尿竈火丹候

尿竈火丹發於胃腹及臍連陰頭皆赤是也

燦火丹候

燦火丹者發於背亦在於臂皮色赤是也

癘火丹候

癘火丹者發於髀而散走無常處著皮赤是也

螢火丹候

螢火丹者發於臍至脇皮赤是也

石火丹候

石火丹者發通身似纈目突如粟是也皮色青黑

腫病諸候

凡一十七論

諸腫候

腫之生也皆由風邪寒熱毒氣客於經絡使血澀不通  
壅結皆成腫也其風邪所作者腫無頭無根浮在皮上  
如吹之狀也不赤不痛或腫或散不常腫其寒氣與血  
相搏作者有頭有根色赤腫痛其熱毒作者亦無正頭  
但急腫久不消熱氣結盛壅則爲膿其候非一故謂之  
諸腫

風腫候

凡人忽發腫或著四支或在胷背或著頭項水牢如胖  
大虛腫回回如吹之狀不痛不赤著四支者乃欲不遂

令人煩滿短氣身體常冷皆由冬月遇溫風入人肌裏  
至春復適大寒風不得出氣壅肌閒不自覺至夏取風  
涼濕氣聚不散而成腫久不瘥氣結盛生熱乃化爲膿  
血並皆爛敗則殺人右手關上脈浮而虛者病腫

卒風腫候

人卒有腫不痛不赤移無常處而兼痒由先無患偶腠  
理虛而逢風所作也

風毒腫候

風毒腫者其先赤痛癢熱腫上生瘰癧如火灼是也

毒腫候

毒腫之候與風腫不殊時令人壯熱其邪毒甚者入腹

殺人

毒腫入腹候

此候與前毒腫不殊但言腫熱漸盛入腹故也毒入腹之候先令人嗆嗆惡寒心煩悶而嘔逆氣急而腹滿如此者殺人

惡核腫候

惡核者肉裏忽有核累累如梅李小如豆粒皮肉燥痛左右走身中卒然而起此風邪挾毒所成其亦似射工毒初得無常處多惻惻痛不即治毒入腹煩悶惡寒即殺人久不瘥則變作癩

腫核候



凡腫挾風冷則不消而結成核也

氣腫候

氣腫者其狀如癰無頭虛腫色不變皮上急痛手纔著便卽痛此風邪搏於氣所生也

氣痛候

人身忽然有一處痛如打不可堪耐亦乍走身閒發作有時痛發則小熱痛靜便如冰霜所加故云氣痛亦由體虛受風邪所侵遇寒氣而折之邪氣不出故也

惡脈候

惡脈者身裏忽有赤絡脈起龍嵒聚如死蚯蚓狀看如似有水在脈中長短皆逐其絡脈所生是也由春冬受

惡風入絡脈中其血瘀結所生久不瘥緣脈結而成癭  
惡肉候

惡肉者身裏忽有肉如小豆突出細細長乃如牛馬乳  
亦如雞冠之狀不痒不痛久不治長不已由春冬被惡  
風所傷風入肌肉結瘀血積而生也

腫有膿使潰候

腫壯熱結盛則血化爲膿若不早出膿膿食筋爛骨則  
不可治也

腫潰後候

凡癰腫既潰訖膿汁須及時而盡若汁不盡還復結腫  
如初腫之候無異卽稍難治

遊腫候

遊腫之候青黃赤白無復定色遊走皮膚之間肉上微光是也

日遊腫候

日遊腫其候與前遊腫相似但手近之微痛如復小痒爲異世言犯觸日遊神之所作

流腫候

流腫凡有兩候有熱有冷冷腫者其痛隱隱然沉深著臂膊在背上則腫起憑憑然而急痛若手按及針灸之卽腫起是也熱腫者四支熱如火灸之狀移無常處或如手或如盤著背腹是劇則背熱如火徧身熠熠然五

心煩熱脣口乾燥如注之狀此皆風邪搏血氣所生以其移無常處故謂流腫

丁瘡病諸候

丁瘡候

丁瘡者風邪毒氣於肌肉所生也凡有十種一者瘡頭烏而強凹二者瘡頭白而腫實三者瘡頭如豆近色四者瘡似葩紅色五者瘡頭內有黑脈六者瘡頭赤紅而浮虛七者瘡頭葩而黃八者瘡頭如金薄九者瘡頭如茱萸十者瘡頭如石榴子亦有初如風軫氣搔破青黃汁出裏有赤黑脈而小腫亦有全不令人知忽以衣物觸及摸著則痛苦故取便不知處亦有肉突起如魚眼

之狀赤黑慘痛徹骨久結皆變至爛成瘡瘡下深孔如  
大針穿之狀初作時突起如丁蓋故謂之丁瘡令人惡  
寒四支強痛兼切切然牽疼一二日瘡便變焦黑色腫  
大光起根韌強全不得近酸痛皆其候也在手足頭面  
骨節閒者最急其餘處則可也毒入腹則煩悶恍惚不  
佳或如醉患此者三二日便死  
養生方云人汗入諸食內食之作丁瘡

### 雄丁瘡候

雄丁瘡者大如錢孔烏麤似灸瘡四畔泡漿色赤又有  
赤粟乃言瘡而不腫刺之不痛而兼熱者名爲雄丁瘡

### 雌丁瘡候

雌丁瘡者頭小黃向裏靨亦似灸瘡四畔泡漿外赤大如錢孔而多汁腫而不痛瘡內有十字畫而兼冷者謂之雌丁瘡

紫色火赤丁瘡候

此瘡色紫赤如火之色卽謂紫色火赤丁瘡也

牛丁瘡候

牛丁瘡皮色不異但腫而頭黑挑之黃水出四邊赤似茱萸房者名爲牛丁瘡

魚臍丁瘡候

此瘡頭黑深破之黃水出四畔浮漿起狹長似魚臍故謂之魚臍丁瘡

赤根丁瘡候

瘡形狀如赤豆或生掖下如鴨子大者世人不識但見其赤卽謂之赤根丁瘡

犯丁瘡候

犯丁瘡謂丁瘡欲瘥更犯觸之若大噀及食猪魚麻子并狐臭人氣熏之皆能觸犯之則更劇乃甚於初更令熱焮腫先寒後熱四支沉重頭痛心驚嘔逆煩悶則不可治

丁瘡腫候

丁瘡腫謂此瘡熱氣乘之與寒毒相搏而成腫

犯丁瘡腫候

犯丁瘡腫謂瘡腫欲瘥更犯觸之瘡勢轉劇乃甚於初  
或腫熱疼掣或心悶恍惚或四肢沉重或嘔逆煩心此  
百犯瘡之候多殺人

丁腫候

此猶是丁瘡而帶焮腫而無根者也

丁瘡久不瘥候

瘡久不瘥謂此丁瘡膿汁不止亦平陷不滿皆由過冷  
所作也

犯丁腫候

犯丁腫謂病丁腫而或飲食或居處觸犯之令腫增劇  
也



心

其下... 丁... 丁... 丁... 丁...

賦下... 賦...

賦下...

其下... 丁... 丁... 丁... 丁...

丁... 丁...

其下... 丁... 丁... 丁... 丁...

丁... 丁...

其下... 丁... 丁... 丁... 丁...

其下... 丁... 丁... 丁... 丁... 皖南建德

其下... 丁... 丁... 丁... 丁... 周氏校刊

巢氏諸病源候總論卷三十二

癰疽病諸候 凡一十六論

癰候

癰者由六腑不和所生也六腑主表氣行經絡而浮若喜怒不測飲食不節陰陽不調則六腑不和榮衛虛者腠理則開寒客於經絡之間經絡爲寒所折則榮衛稽留於脈榮者血也衛者氣也榮血得寒則澀而不行衛氣從之與寒相搏亦壅遏不通氣者陽也陽氣蘊積則生於熱寒熱不散故聚積成癰腑氣浮行主表故癰浮淺皮薄以澤夕則熱勝於寒熱氣蘊積傷肉而敗肌故血肉腐壞化而爲膿其患在表浮淺則骨髓不焦枯腑

臟不傷敗故可治而愈也又少苦消渴年四十已外多發癰疽所以然者體虛熱而榮衛否澀故也有鬲痰而濕者年盛必作黃疽此由脾胃虛熱故也年衰亦發癰疽腑臟虛熱血氣否澀故也又腫一寸至二寸癰也二寸至五寸癰也五寸至一尺癰疽也一尺至三尺者名曰竟體癰癰成九竅皆出諸氣憤鬱不遂志欲者血氣畜積多發此疾診其寸口脈外結者癰腫腎脈濇甚爲大癰脈滑而數滑卽爲實數卽爲熱滑卽爲榮數卽爲衛榮衛相逢則結爲癰熱之所過卽爲膿也脈弱而數者此爲戰寒必發癰腫脈浮而數身體無熱其形默默者胃中微躁不知痛所在此主當發癰腫脈來細而沉

時直者身有癰腫若腹中有伏梁脈肺肝俱到卽發癰疽四支沉重肺脈多卽死凡癰疽脈洪龕難治脈微澀者易愈諸浮數之脈應當發熱而反洗淅惡寒若痛處當有癰也此或附骨有膿也脈弦洪相薄外內急熱故欲發癰疽凡發癰腫高者疹源淺腫下者疹源深大熱者易治小熱者難治初便大痛傷肌晚乃大痛傷骨諸癰發於節者不可治也發於陽者百日死發於陰者四十日死也尻太陽脈有腫癰在足心少陽脈八日死發膿血八十日死頭陽明脈有腫癰在尻六日死發膿血六十日死股太陽有腫癰在足太陽七十日死發膿血百日死髀太陽太陰脈有腫癰在脛八日死發膿血四

病源候論 卷三十一  
百日死足少陽脈有腫癰在脇八日死發膿血六百日  
死手陽明脈有腫癰在掖淵一歲死發膿血二歲死發  
腫牢如石走皮中無根瘰癧也久久不消因得他熱乘  
之時有發者亦爲癰也又手心主之脈氣發有腫癰在  
股脛六日死發膿血六十日死又有癰在腓腸中九日  
死也

養生方云五月勿食不成核果及桃棗發癰癥不爾發  
寒熱變爲黃疸又爲泄利

又云人汗入諸食中食之則作丁瘡癰癥也

癰有膿候

此由寒氣搏於肌肉折於血氣結聚乃成癰凡癰經久

不復可消者若按之都牢韌者未有膿也按之半韌半軟者有膿也又以手掩腫上不熱者爲無膿若熱甚者爲有膿凡覺有膿宜急破之不爾侵食筋骨也

癰潰後候

此由寒氣客於肌肉折於血氣結聚乃成癰凡破癰潰之後有逆有順其眼白睛青黑而眼小者一逆也內藥而嘔二逆也傷痛渴甚者三逆也髀項中不便者四逆也音嘶色脫者五逆也除此者並爲順也此五種皆死候凡發癰疽則熱流入內五藏焦燥者渴而引飲兼多取冷則腸胃受冷而變下利利則腸胃俱虛而冷搏於胃氣逆則變嘔逆氣不通遇冷折之則變噦也

石癰候

石癰者亦是寒氣客於肌肉折於血氣結聚所成其腫結確實至牢有根核皮相親不甚熱微痛熱時自歇此寒多熱少鞦如石故謂之石癰也久久熱氣乘之乃有膿也

附骨癰腫候

附骨癰亦由體盛熱而當風取涼風冷入於肌肉與熱氣相搏伏結近骨成癰其狀無頭但腫痛而濶其皮薄澤謂之附骨癰也

癰虛熱候

此由寒客於經絡使血氣否澀乃結腫成癰熱氣壅結

則血化爲膿膿潰癰瘡之後餘熱未盡而血氣已虛其  
人喑喑卒熱憒憒虛乏故謂之虛熱

癰煩渴候

癰由寒搏於血血澀不通而熱歸之壅結所成熱氣不  
得宣泄內熏五藏故煩躁而渴凡癰腫熱渴引飲冷氣  
入腸胃卽變下痢并變嘔噦所以然者本內虛熱氣逆  
故嘔嘔而氣逆外冷乘之氣不通故噦也

發癰欬嗽候

夫肺主氣候於皮毛氣虛腠理受寒寒客經絡則血否  
澀熱氣乘之則結成癰也肺氣虛寒寒復乘肺感於寒  
則成欬嗽故發癰而嗽也



痢疾論 卷三十一  
癰下利候

此由寒氣客於經絡折於氣血壅結不通結成癰腫發  
癰而利者由內熱而引飲取冷太過冷入腸胃故令下  
利也下利不止則變嘔噦所以然者脾與胃合俱象土  
脾候身之肌肉胃爲水穀之海脾虛肌肉受邪胃虛則  
變下利下利不止則變嘔噦也

發癰大小便不通候

此由寒客於經絡寒搏於血血澀不通壅結成癰藏熱  
不泄熱入大小腸故大小便不通

發癰內虛心驚候

此由體虛受寒寒客於經絡血脈否澀熱氣蘊積結聚

成癰結熱不散熱氣內迫於心故心虛熱則驚不定也  
癰腫久愈汁不絕候

此由寒客於經絡則血澀不通與寒相搏則結成癰腫  
熱氣乘之則血化爲膿膿潰之後熱腫乃散餘寒不盡  
肌肉未生故有惡液澳汁清而色黃不絕也

癰瘡後重發候

此由寒氣客於經絡血澀不通壅結成癰凡癰膿潰之  
後須著排膿藥令熱毒膿血俱散盡若有惡肉亦傅藥  
食之則好肉得生真氣得復若膿血未盡猶挾餘毒瘡  
口便合當時雖瘡而後終更發

久癰候

此由寒氣客於經絡血澀不通壅結成癰發癰之後熱毒未盡重有風冷乘之冷搏於腫蘊結不消故經久一瘥一發久則變成瘦也

### 疽候

疽者五臟不調所生也五臟主裏氣行經絡而沉若喜怒不測飲食不節陰陽不和則五臟不調榮衛虛者勝理則開寒客經絡之間經絡爲寒所折則榮衛稽留於脈榮者血也衛者氣也榮血得寒則澀而不行衛氣從之與寒相搏亦壅遏不通氣者陽也陽氣蘊積則生於熱寒熱不散故積聚成疽臟氣沉行主裏故疽腫深厚其上皮強如牛領之皮久則熱勝於寒熱氣滯盛蘊結

傷肉也血肉腐壞化而爲膿乃至傷骨爛筋不可治而  
死也又少苦消渴年至四十已上多發癰疽所以然者  
體虛熱而榮衛否澀故也又有鬲痰而渴者年盛必作  
黃疽此由脾胃虛熱故也年衰亦發癰疽藏虛血氣否  
澀故也又腫一寸至二寸癰也二寸至五寸癰也五寸  
至一尺癰疽也一尺至三尺者名曰竟體癰癰成九竅  
皆血諸氣憤鬱不遂志欲者血氣蓄積多發此疾診其  
脈絃洪相薄外急內熱欲發癰疽脈來細而沉時直者  
身有癰腫若腹中有伏梁脈肺肝俱到卽發癰疽四支  
沉重肺脈多卽死凡癰疽脈洪麤難治脈微澀者易愈  
諸浮數之脈應當發熱而反洗淅惡寒若痛處當有癰

也此或附骨有膿也身有五部伏菟一腓二背三五藏之俞四項五五部有疽者死又疽發於噤中名曰猛疽猛疽不治化爲膿膿不瀉塞咽半日死其化作膿瀉之則已發於頸名曰掖疽其腫大以赤黑不急治則熱氣下入掖淵前傷任脈內熏肝肺熏肝肺十餘日而死矣陽氣大發消澀留項名曰腦鑠其色不榮項痛如刺以鍼煩心者死不可治發於髀及臑名曰疵疽其狀赤黑急治之此令人汗出至足不害五藏癰發四五日燉爛之也發於掖下赤韌者名曰米疽也韌而不潰者爲馬刀也發於膺名曰井疽也其狀如大豆日三四起不早治下入腹中不治十日死發於膺名曰甘疽其狀如穀

實瓠瓜常苦寒熱急治之去其寒熱不治十歲死死後  
出膿發於股陽名曰兌疽其狀不甚變而膿附骨不急  
治四十日死發於脇名曰改訾改訾者女子之病也又  
云癰發女子陰傍名曰改訾疽久不治其中生息肉如  
赤小豆麻黍也發於尻名曰兌疽其狀赤韌大急治之  
不治四十日死若發尻尾名曰兌疽若不急治便通洞  
一身十日死發於股陰名曰赤弛不急治之六日死在  
兩股內者不治六十日當死發於膝名曰疵疽其狀大  
癰色不變寒熱而堅勿石石之則死須其色黑柔乃石  
之生也發於脛名曰兔齧疽其狀赤至骨急治之不治  
害人也發於踝名曰走綬色不變數灸而止其寒熱不

死發於足上下名曰四淫不急治之百日死發於足傍  
名曰癘疽其狀不大初小指發急治之其狀黑者不可  
消百日死也發於足趾名曰脫疽其狀赤黑死不赤黑  
不死治之不衰急斬去之活也不斬者死矣 赤疽發  
額不瀉十餘日死其五日可刺也其膿赤多血死未有  
膿可治人年二十五三十一六十九十五百神皆在額  
不可見血見血者死 赤疽發身腫牢核而身熱不可  
以坐不可以行不可以屈伸成膿刺之卽已 赤疽發  
胷可治赤疽發髀樞六月內可治不治出歲死 赤疽  
發陰股牢者死濡者可治 赤疽發掌中可治 赤疽  
發脛死不可治 白疽發髀若肘後痒目痛傷精及身

熱多汗五六處死 黑疽發腫居背大骨上八日可刺  
也過時不刺爲骨疽骨疽膿出不可止者出碎骨六十  
日死 黑疽發掖淵死 黑疽發耳中如米此名文疽  
死黑疽發髀死 黑疽發缺盆中名曰伏癰死 黑疽  
發肘上下不死可治 黑疽發腓腸死 黑疽發膝臏  
牢者死濡者可治 黑疽發跌上牢者死 倉疽發身  
痒後痛此故傷寒氣入臑發爲倉疽九日可治九十  
日死 釘疽發兩髀此起有所逐惡血結留內外榮衛  
不通發爲釘疽三日身腫痛甚口噤如瘞狀十一日可  
刺不治二十日死疽起於肉上如丁蓋下有脚至骨名  
釘疽也 鋒疽發背起心俞若髀髀二十日不瀉死其



八日可刺也其色赤黑膿見青者死不治人年六十八  
二十四四十五十六十七七十二九十八神皆在髀  
不可見血見血必死陰疽發髀若陰股如發腰強內  
不能自止數飲不能多五日牢痛如此不治三歲死  
刺疽發起肺俞若肝俞不瀉二十日死其八日可刺也  
發而赤其上肉如椒子者死不可治人年十九二十五  
三十三四十九五十七六十七三十八十一九十七神  
皆在背不可見血見血者死脈疽發環項始病身隨  
而執不欲動悄悄或不能食此有所大畏恐怖而不精  
上氣嗽其發引耳不可以腫二十日可刺如不刺八十  
日死龍疽發背起胃俞若腎俞二十日不瀉死九日

可刺其上赤下黑若青黑者死發血膿者不死 首疽  
發背發熱八十日大熱汗頭引身盡加嗽身熱同同如  
沸者皮澤頗腫處淺刺之不刺入腹中二十日死 俠  
榮疽發脇起若兩肘頭二十五日不瀉死其九日可刺  
發赤白閒其膿多白而無赤可治也人年一十六二十  
六三十二四十八五十八六十四八十九十六神皆在  
脇不可見血見血者死 勇疽發股起太陰若伏兔二  
十五日不瀉死其十日可刺勇疽發清膿赤黑死白者  
尙可治人年十一十五二十三十一三十二四十六五  
十九六十三七十五九十一神皆在尻尾不可見血見  
血者死 標叔疽熱同同耳聾後六十日腫如裹水狀

如此可刺之但出水後乃有血血出卽除也人年五十  
七六十五七十三八十一九十七神皆在背不可見血  
見血者死 癩疽發足趺若足下三十日不瀉死其十  
二日可刺癩疽發赤白膿而不多其上痒赤黑死不  
可治人年十三二十九三十五六十一七十三九十三  
神皆在足不可見血見血者死 衝疽發在小腹痛而  
戰寒熱冒五日悄悄六日而變可刺之五十日死 髀  
疽發兩指頭若五指頭十八日不瀉死其四日可刺其  
發而黑癰不甚赤過節可治也 疥疽發掖下若臂兩  
掌中振寒熱而溼乾者飲多卽嘔煩心悄悄或卒腫者  
如此可汗不汗者死 筋疽發背俠脊兩邊大筋其色

蒼八日可刺也。陳乾疽發臂三四日痛不可動五十  
口身熱而赤六十日可刺之如刺之肺無血三四日病  
已。蚤疽發手足五指頭起節色不變十日之。刺  
也。過時不刺後爲食癰在掖三歲死。

養生方云銅器蓋食汗入食食之令人發惡瘡內疽。

又云鯽魚膾合猪肝肺食之發疽。又云烏鷄肉食合食

發疽。又云魚腹內有白如膏合烏鷄肉食之亦發疽

也。又云魚金鰓食發疽也。又云已醉強飽食不幸

發疽其湯熨針石別有正方補養宣導今附於後

養生方導引法云正倚壁不息行氣從頭至足止愈疽

行氣者鼻內息五入方一吐爲一通滿十二通愈。又云

病源候論卷三十一  
正坐倚壁不息行氣從口輒令氣至頭而止治疽痺氣不足

### 疽潰後候

此由寒氣客於經絡折於氣血血澀不通乃成疽發疽潰之後有逆有順其眼白睛青黑而眼小者一逆也內藥而嘔者二逆也傷痛渴甚者三逆也髀項中不便者四逆也音嘶色脫者五逆也除此者並爲順矣此五種皆死候凡發癰疽則熱流入五藏焦燥渴而引飲兼多取冷則腸胃受冷而變下利利則腸胃俱虛而冷搏胃氣氣逆則變嘔逆氣不通遇冷折之則噦也皖南建德

巢氏諸病源候總論卷三十三

癰疽病諸候 下 凡二十九論

緩疽候

緩疽者由寒氣客於經絡致榮衛涖澁氣血壅結所成其寒盛者則腫結痛深而回回無頭尾大者如拳小者如桃李冰水與皮肉相親著熱氣少其腫與肉相似不甚赤積日不潰久乃變紫黯色皮肉俱爛如牛領瘡漸至通體青黯不作頭而穿潰膿出是也以其結腫積久而肉腐壞遲故名緩疽亦名肉色疽也緩疽急者六年殺人緩者數年乃死

燔疽候

燂疽之狀肉生小黯黯小者如粟豆大者如梅李或赤或黑乍青乍白有實核燥痛應心或著身體其著手指者似代指人不別者呼爲代指不急治毒逐脈上入臟則殺人南方人得此疾皆截去指恐其毒上攻臟故也又云十指端忽策策痛入心不可忍向明望之晃晃黃赤或黯黯青黑是燂疽直截後節十有一愈又云風胗痛不可忍者燂疽發五臟俞節解相應通洞燂疽也諸是燂疽皆死又齒間臭熱血出不止燂疽也七日死治所不瘥以灰掩覆其血不爾著人

又云諸是燂疽皆死唯痛取利十有一活耳此皆毒氣客於經絡氣血否澁毒變所生也

疽發口齒候

寒氣客於經絡血澁不通結而成疽五臟之氣皆出於口十二經脈有入齒者有連舌本者榮衛之氣無處不行虛則受邪挾毒乘虛而入脈故也其發口齒者多血出不可禁皆死

行疽候

行疽候者發瘡小者如豆大者如錢往來而身及生面上謂之行疽此亦寒熱客於腠理與血氣相搏所生也

風疽候

腫起流之血脈而攣曲疾痛所以發瘡歷年謂之風疽此由風濕之氣客於經絡與氣相搏所成也



養生方云大解汗當以粉粉身若令自乾者成風疽也

### 石疽候

此由寒氣客於經絡與血氣相搏血澁結而成疽也其寒毒偏多則氣結聚而皮厚狀如瘞癧鞣如石故謂之石疽也

### 禽疽候

禽疽發如胗者數十處其得四日腫合牢核痛其狀若變十日可刺其初發身戰寒齒如噤欲坐如是者十五日死也此是寒濕之氣客於肌肉所生也

### 杼疽候

杼疽者發項及兩耳下不瀉十六日死其六日可刺其

色黑見膿如癰者死不可治人年三十九二十三三十五三十九五十一五十五六十一八十七九十九神皆在兩耳下不可見血見血者死此是寒濕之氣客於肌肉折於血氣之所生也

水疽候

此由寒濕之氣客於皮膚搏於津液使血氣否澁濕氣偏多則發水疽其腫狀如物裹水多發於手足此是隨肌膚虛處而發也亦有發身體數處而壯熱遂至死

肘疽候

肘疽是疽發於肘謂之肘疽凡諸疽發節解並皆斷筋節而發肘者尤為重也此亦是寒濕之氣客於肌肉折

於血氣所生也

附骨疽候

附骨疽者由當風入骨解風與熱相搏復遇冷濕或秋夏露卧爲冷所折風熱伏結壅遏附骨成疽喜著大節解間丈夫及產婦女人喜著鼠髀髻頭脰膝間嬰孩嫩兒亦著髀肘背脊也其大人老人著急者則先覺痛不得轉動按之應骨痛經日便覺皮肉生急洪洪如肥狀則是也其小兒不知字名抱之纔近其便畧喚則是支節有痛處便是其候也大人老人著緩者則先覺如肥洪洪耳經日便覺痺痛不隨也其小兒則覺四支偏有不動不動搖者如不隨狀看支節解中則有肥洪洪處

其名不知是附骨疽乃至合身成膿不潰至死皆覺身體變青黯也其大人老人皆不悟是疽乃至於死也亦有不別是附骨疽呼爲急賊風其緩者謂風腫而已

久疽候

此由寒氣客於經絡折於氣血血澁不通乃結成疽凡疽發諸節及腑臟之俞則卒急也其久疽者發於身體閑處故經久積年致膿汁不盡則瘡內生蟲而變成癩也

疽虛熱候

此由寒搏於熱結壅血澁乃成疽疽膿雖潰瘡之後餘熱未盡而血已虛其人喞喞苦熱憊憊虛乏故謂虛熱

也

疽大小便不通候

此由寒氣客於經絡寒搏於血血澁不通壅結成疽腑臟熱不泄熱入大小腸故大小便不通也

癰發背候

夫癰發於背者多發於諸腑俞也六腑不和則生癰諸腑俞皆在背其血氣經絡於身腑氣不和腠理虛者經絡爲寒所客寒折於血則壅不通故結成癰發其俞也熱氣加於血則肉血敗化故爲膿癰初結之狀腫而皮薄以澤又云背上忽有赤腫而頭白搖根入應胸裏動是癰也又發背苦熱手不可得近者內先服王不留行

散外摩背膏大黃貼若在背先破無苦良不得膿以食  
肉膏散著兌頭內癰口中人體熱氣歇服朮散五日後  
癰欲瘥者服排膿內塞散

癰發背潰後候

此由寒氣客於經絡折於血氣血澁不通乃結成癰發  
背癰膿出之後眼白睛青黑而眼小一逆也內藥而嘔  
二逆也傷痛渴甚三逆也髀項中不仁四逆也音嘶色  
脫五逆也此等五逆者皆不可治也或熱或渴非倉卒  
之急可得漸治之也凡發背則熱氣流入腑臟潰之後  
血氣則虛腑臟燥熱渴而引飲飲冷入腸胃則變下利  
胃虛氣逆則變嘔也嘔逆若遇冷折之氣不通則噦也

其瘡若膿汁不盡而瘡口早合雖瘥更發惡汁連滯則變成癩也

癰發背後下利候

此是寒氣客於經絡折於血氣血澁不通乃結成癰癰發後利者由內熱而引飲取冷太過冷入腸胃故令下利不止則變嘔所以然者脾與胃合俱象土脾候身之肌肉胃爲水穀之海脾虛則肌肉受邪胃虛則變下利下利不止氣逆故變嘔嘔而遇冷折氣逆不通則噦也

癰發背渴候

此由寒氣客於經絡折於氣血血澁不通乃結成癰也癰發背五臟熱盛虛燥故渴而冷飲入腸胃則變利也

癰發背兼嗽候

肺主氣候於皮毛氣虛腠理受寒客於經絡則血否澁  
寒氣乘之則成癰也肺氣虛其寒復乘肺肺感於寒則  
成欬嗽故發癰而兼嗽也

癰發背大便不通候

此由寒氣客於經絡血氣否澁則生熱蘊結成癰氣壅  
在臟腑熱入腸胃故令大便不通也

癰發背惡肉不盡候

此由寒氣客於經絡折於氣血血澁不通乃結成癰發  
背膿潰之後外有風氣搏之變生惡肉壅塞於瘡者則  
毒氣內侵須傅藥以食之



疔發背候

疔發背者多發於諸臟俞也五臟不調則發疔五臟俞皆在背其血氣經絡於身腑臟不調腠理虛者經脈爲寒所客寒折於血血壅不通故乃結成疔而發臟俞也熱氣施於血則肉血敗腐爲膿也疔初結之狀皮強如牛領之皮是也疔重於癰發者多死又發起肺俞若肝俞不瀉二十日死其八日可刺也發而赤其上肉如椒子者死不可理人年十九二十五三十三四十九五十七六十七七十三八十一九十七神皆在背不可見血見血者死蜂疔發背起心俞若髑髏二十日不瀉卽死其八日可刺也其色赤黑膿見青者死不治人年六歲十

八二十四四十五十六六十七八十二九十八神皆在  
髀不可見血見血者死

疽發背潰後候

此由寒氣客於經絡折於氣血血澀不通乃結成疽發  
背疽膿出之後眼白睛青黑而眼小一逆也內藥而嘔  
二逆也傷痛渴甚三逆也髀項中不便四逆也音嘶色  
脫五逆也皆不可治自餘或熱渴或刺嘔非倉卒之急  
也可得漸治凡發背則熱氣流入腑臟膿潰之後血氣  
則虛腑臟積熱渴而引飲飲冷入於腸胃則變下利胃  
虛氣逆則變嘔也嘔逆若遇冷折之氣不通卽噦也其  
瘡若膿汁不盡而瘡口早合雖瘥更發惡汁連滯則變

成癭也

疽發背熱渴候

此由寒氣客於經絡折於氣血血澀不通乃結成疽疽發背則腑臟皆熱熱則臟燥故渴也而冷飲入腸胃則變利也

腸癰候

腸癰者由寒溫不適喜怒無度使邪氣與榮衛相干在於腸內遇熱加之血氣蘊積結聚成癰熱積不散血肉腐壞化而爲膿其病之狀小腹重而微強抑之卽痛小便數似淋時時汗出復惡寒其身皮皆甲錯腹皮急如腫狀診其脈洪數者已有膿也其脈遲緊者未有膿也

甚者腹脹大轉側聞水聲或繞臍生瘡穿而膿出或膿  
自臍中出或大便去膿血惟宜急治之又云大便膿血  
似赤白下而寔非者是腸癰也卒得腸癰而不曉治之  
錯者殺入寸脈滑而數滑則爲實數而爲熱滑則爲榮  
數則爲衛衛下降榮上升遇熱榮衛相干血爲濁敗小  
腹否輒小便或難汗出或復惡寒膿爲已成設脈遲緊  
聚爲瘀血血下則愈膿成引日又諸浮數脈當發熱而  
反洗淅惡寒若有痛處者當積有膿脈滑濇者小腸癰  
出血者也

也

內癰候

內癰者由飲食不節冷熱不調寒氣客於內或在胸膈或在腸胃寒折於血血氣留止與寒相搏壅結不散熱氣乘之則化爲膿故曰內癰也胸內痛少氣而發熱以手按左眼而其右眼見光者胸內結癰也若不見光燦疽內若吐膿血者不可治也急以灰掩其膿血不爾者著人腸內有結痛或在脇下或在臍左近結成塊而壯熱必作癰膿診其脈數而身無熱者內有癰也

養生方云四月勿食螺雞肉作內癰在胸掖下出瘦孔

肺癰候

肺癰者由風寒傷於肺其氣結聚所成也肺主氣候皮

毛勞傷血氣腠理則開而受風寒其氣虛者寒乘虛傷肺寒搏於血蘊結成癰熱又加之積熱不散血敗爲膿肺處胸間初肺傷於寒則微嗽肺癰之狀其人欬胸內滿隱隱痛而戰寒診其肺部脈緊爲肺癰又肺癰喘而胸滿又寸口脈數而實咽乾口內辟辟燥不渴時時出濁唾腥臭久久吐膿如粳米粥者難治也又肺癰有膿而嘔者不須治其嘔膿止自愈又寸口脈微而數微則爲風數則爲熱微則汗出數則惡寒風中於衛呼氣不出數過於榮吸而不入風傷皮毛熱傷血脈風舍於肺其人則嘔口乾喘滿咽燥不渴唾而濁沫時時戰寒熱之所過血爲凝滯蓄結癰膿吐如米粥始萌可救膿成

則死又欲知有膿者其脈緊數膿爲未成其脈緊去但數膿爲已成又肺病身當有熱欬嗽短氣唾出膿血其脈當短濇而反浮大其色當白而反赤者此是火之剋金大逆不治也

癰病候

癰病者由勞役肢體熱盛自取風冷而爲涼濕所折入於肌肉筋脈結聚所成也其狀赤脈起如編繩急痛壯熱其發於脣者喜從鼠蹊起至踝赤如編繩故謂癰病也發於臂者喜從掖下起至手也可卽治取消其潰去膿則筋攣也其著腳若置不治不消復不潰其熱歇氣不散變作種脈緩濇相搏腫癰已成膿也

瘰癧候

瘰癧者由風濕冷氣搏於血結聚所生也人運役勞動則陽氣發泄因而汗出遇風冷濕氣搏於經絡經絡之血得冷所折則結澀不通而生瘰癧腫結如梅李也又云腫一寸二寸瘰也其不消而潰者卽宜熟捻去膿至清血出若膿汁未盡其瘡合者則更發其著耳下頷頸掖下若膿汁不盡多變成瘻也

養生方云人汗入諸食中食之作癰瘰

又云五月勿食不成核果及桃棗發癰瘰也



又云此貝心食木虱然果氣將壞則蠶食也

舞半式云人將人葉食中食之亦無味

氣不昔熱性不虛冬變如藥也

解直出者飄性未盡其熱合香阻可發其善耳不除既

云服一十二百餘出其不節而為青明且與急志難

與村命和性傾詠豎不酸而主熱酸即清也

明燭原委都因而若山懸風而熱無軌或發谷

效驗音由風為命原賦氣血詠效即乎也

養微微

周氏校刊

皖南建德

巢氏諸病源候總論卷三十四

癭病諸候

凡三十五論

諸癭候

諸癭者謂癭病初發之由不同至於癭成形狀亦異有以一方而治之者故名諸癭非是諸病共成一癭也而方說九癭者是狼癭鼠癭螻蛄癭蜂癭虻癭蟻癭蝻癭浮疽癭癰癭轉脈癭此頸之九癭也 狼癭者年少之時不自謹慎或大怒氣上不下之所生也始發之時在於頸項有根出缺盆上轉連耳本其根在肝 鼠癭者飲食之時不擇蟲蛆變化所生也使人寒熱其根在肺 螻蛄癭者食果蔬菜子不避有蟲即便噉之外絕於

綱內絕於腸有毒不去變化所生也始發之時在於頸  
上狀如蝸形癰胗而出也其根在大腸 蜂瘦者食飲  
勞倦渴乏多飲流水即得蜂毒不去變化所生也始發  
之時其根在頸歷歷三四處俱腫以潰生瘡狀如癰形  
瘥而復移其根在脾 虻蝥瘦者因寒腹中臃脹所得  
寒毒不去變化所生也始發之時在於頸項使人壯熱  
若傷寒有似疥癬婁婁孔出其根在肺 蟻螬瘦者恐  
懼愁憂思慮哭泣不止餘毒變化所生也始發之時在  
於頸項無頭尾如棗核或移動皮中使人寒熱心滿其  
根在心 浮疽瘦者因毒結馳思往反變化所生也始  
發之時在於頸亦在掖下如兩指無頭尾使人寒熱欲

嘔吐其根在膽 瘰癧瘦者因強力入水坐濕地或新

沐浴汗入頭中流在頸上之所生也始發之時在於頸  
項恒有膿使人寒熱其根在腎 轉脈瘦者因飲酒大

醉夜卧不安驚欲嘔轉側失枕之所生也始發之時在  
於頸項濯濯脈轉身如振使人寒熱其根在小腸 復

有三十六種瘦方不次第顯其名而有蜣螂蚯蚓等諸  
瘦非九瘦之名此卽應是三十六種瘦之數也但瘦病

之生或因寒暑不調故血氣壅結所作或由飲食乖節  
狼鼠之精入於府藏毒流經脈變化而生皆能使血脈

結聚寒熱相交久則成膿而潰漏也其生身體皮肉者  
亦有始結腫與石癰相似所可異者其腫之中按之累

瘰癧傳論 卷三十四  
累有數脈喜發於頸邊或兩邊俱起便是癭證也亦發  
兩掖下及兩顳顳間初作喜不痛不熱若失時不治卽  
生寒熱所發之處而有輕重重者有兩種一則發口上  
嚦有結核大小無定或如桃李大此蟲之窠窟止在其  
中二則發口之下無有結核而穿潰成瘡又蟲毒之居  
或府藏無定故癭發身體亦有數處其相應通者多死  
其癭形狀起發之由今辯於後

養生方云六月勿食自落地五果經宿蚰蟬螻蛄蛻蝦  
遊上喜爲九癭

又云十二月勿食狗鼠殘肉生瘡及癭出頸項及口裏  
或生咽內

鼠瘦候

鼠瘦者由飲食不擇蟲蛆毒變化入於府藏出於脈稽留脈內而不去使人寒熱其根在肺出於頸掖之間其浮於脈中而未內著於肌肉而外爲膿血者易去也決其生死者反其目視之其中有赤脈從上下貫瞳子見一脈一歲死見一脈半一歲半死見二脈二歲死見三脈半二歲半死見三脈三歲死赤脈而不下貫瞳子可治也

養生方云正月勿食鼠殘食作鼠瘦發於頸項或毒入腹下血不止或口生瘡如有蟲食

蜂瘦候

蜂癭者由飲食勞倦渴乏多飲流水卽得蜂毒流入於藏其根在脾出發於頸項歷歷三四處或累累四五處蜂臺或發胸前俱腫以潰生瘡狀如癰形瘥而復移

蟻癭候

蟻癭者由飲食有蟻精氣毒入於五藏流出經絡多著頸項戢戢然小腫核細乃遍身體

虻蜂癭候

虻蜂癭者由飲食內有虻蜂毒氣入於藏流於經脈使身寒似傷寒腹虛臃脹其根在肺發於頸項如疥癬婁婁孔出初生痒搔之生瘡不治一百日生虻蜂癭

蠅癭候

此由飲食內有蠅窠子因誤食之入於腸胃流注入血脈變化生癭發於頸下初生痒而如蠅窠子狀使人寒熱久其中化生蠅也

### 蝮蝨癭候

蝮蝨癭者由食果蓏子不避有蟲即便噉之有蟲毒氣入於腹內外發於頸其根在大腸初生之時其狀如風矢亦如蝸形癭形而痒搔之則引大如四寸更其中生孔道乃有數十中生蝮蝨亦有十數不治二年殺人

### 蝮蝨癭候

此由恐懼愁憂思慮哭泣不止氣毒變化所生內動於藏外發頸項其根在心又方根在膀胱初生之時無頭



尾腫如棗核或移動皮肉使人寒熱心滿狀似蜂癭而  
深坎蜂癭則高而圓蟻螬癭方五寸作坑邊有唇畔而  
痒搔之則引大如六寸更疼痛日夜令人呻號三年生  
孔道乃有十數中生蟻螬乃有百數不治五年殺人

鷓鴣鳥鶴癭候

鷓鴣鳥鶴癭者初腫如覆手疼痛一年生孔道數十處黃  
水出二年化生鶴水鳥首而生口觜是也

尸癭候

人皆有五尸在人腹內發動令心腹脹氣息喘急衝擊  
心胸攻刺脇肋因而寒熱頸掖之下結癭癰膿潰成癭  
時還衝擊則腹內脹痛腰脊攣急是也

風癭候

此由風邪在經脈經脈結聚所成或諸瘡得風不卽瘥  
變作其瘡得風者是因瘡遇冷膿汁不盡乃成也其風  
在經脈者初生之時其狀如腫有似覆手搔之則皮脫  
赤汁出乍腫乍減漸漸生根結實且附骨間不知首尾  
卽潰成癭若至五十日不消不潰變成石腫名爲石癭  
久久不治令寒熱惡氣入腹絕悶刺心及咽項悉皆腫  
經一年不治者死

鞠癭候

腫痛初生癭如大桃狀亦如瘤膿潰爲瘡不治成石癭  
化生鞠作窠傍行世呼爲石鞠癭

蠅蝨瘦候

此由飲食居處有蠅蝨毒氣入於藏府流於經脈所生也初生之時其狀如鼠竅直下腫如覆手而痒搔之疼痺至百日有十八竅深三寸中生蠅蝨乃有一百數蠅蝨成尾自覆刺人大如孟升至三年殺人

骨疽瘦候

骨疽瘦者或寒熱之氣搏經脈所成或蟲蛆之氣因飲食人人府藏所生以其膿潰侵食於骨故名骨疽瘦也初腫後乃破破而還合邊傍更生如是或六七度中有膿血至日西痛發如有針刺

蚯蚓瘦候

蚯蚓瘻者由居處飲食有蚯蚓之氣或飲食入腹內流於經脈所生其根在大腸其狀腫核潰漏

花瘻候

花瘻者風濕客於皮膚與血氣相搏因而成瘡風濕氣多其肉突出外如花開之狀世謂之反花瘡不瘥生蟲成瘻故謂之花瘻也

蠍瘻候

此由飲食居處有蝎蟲毒氣入於府藏流於經脈或生掖下或生頸邊腫起如蝎蟲之形寒熱而潰成瘻久則瘡裏生細蠍蟲也

蚝瘻候

疔原候論 卷三十四

疔瘻者由飲食居處有疔蟲毒氣入於府藏流於經脈變化而生著面頰邊卽脫肉結腫初如疔蟲之窠後潰成瘻而疔生是也

腦瘻者頭頸逐氣上下疼痛而後腦瘻

癰瘻候

癰瘻者是癰潰瘡後久不瘥膿汁不盡因變生蟲成瘻故為癰瘻也

癰瘻候

癰瘻者其瘡橫闊作頭狀如杏子形亦似癰瘻出血是也

蟲瘦候

諸瘦皆有蟲而此獨以蟲爲名者是諸瘡初本無蟲經久不瘥而變生蟲故以爲名也

石瘦候

石瘦之狀初起兩頭如梅李核鞦實按之強如石而寒熱熱後潰成瘦是也

蛙瘦候

此由飲食居處有蛙之毒氣入於府藏流於經脈而成瘦因服藥隨小便出物狀似蛙形是也

蝦蟆瘦候

此由飲食有蝦蟆之毒氣入於府藏流於經脈結腫寒

熱因潰成瘦服藥有物隨小便出如蝦蟆之狀故謂之  
蝦蟆瘦也

蛇瘦候

蛇瘦者由居處飲食有蛇毒氣入於府藏流於經脈寒  
熱結腫出處無定因潰成瘦服藥有物隨小便出如蛇  
形狀謂之蛇瘦

螻蝻瘦候

螻蝻瘦者由居處飲食有螻蝻毒氣入於府藏流於經  
脈所生初得之時如棗核許戾契或滿百日或滿周年  
走不定一處成竅而膿汁潰瘦也故謂之螻蝻瘦

赤白瘦候

人有患瘡色赤白分明因而成瘦謂之赤白瘦

內瘦候

人有發瘡色黑有結內有膿久乃積生侵食筋骨謂之  
內瘦

雀瘦候

此由居處飲食有雀毒氣入於藏流於脈發無定處腫  
因潰成瘦服藥有物隨小便出狀如雀殼故謂之雀瘦  
膿瘦候

諸瘦皆有膿汁此瘦獨以膿爲名者是諸瘡久不瘥成  
瘦而重爲熱毒氣停積生膿常不絕故謂之膿瘦也

冷瘦候



冷瘰者亦是謂瘡得風冷久不瘥因成瘰膿汁不絕故  
爲冷瘰也

久瘰候

久瘰者是諸瘰連滯經久不瘥或暫瘥復發或移易三  
兩處更相應通故爲久瘰也

瘰癧瘰候

此由風邪毒氣客於肌肉隨虛處而停結爲瘰癧或如  
梅李棗核等大小兩三相連在皮間而時發寒熱是也  
久則變膿潰成瘰也其湯熨針石別有正方補養宣導  
今附於後

養生方導引法云踣踣以兩手從曲腳入據地曲腳加

其上舉尻其可用行氣愈瘰癧乳痛

癩瘻候

癩病之狀陰核腫大有時小歇歇時終大於常勞冷陰  
雨便發發則脹大使人腰背攣急身體惡寒骨節沉重  
此病由於損腎也足少陰之經腎之脈也其氣下通於  
陰陰宗脈之所聚積陰之氣也勞傷舉重傷於少陰之  
經其氣不衛於陰氣脹不通故成癩也其湯熨針石別  
有正方補養宣導今附於後

養生方導引法云正偃卧直兩手兩足念月所在令赤  
如油囊丹除癩少腹重不便腹中熱但口內氣息出之  
數十不須小咽氣卽腸中不熱者七息已溫熱咽之十

數

痔病諸候

凡六論

諸痔候

諸痔者謂牡痔牝痔脈痔腸痔血痔也其形證各條如後竟又有酒痔肛邊生瘡亦有血出又有氣痔大便難而血出肛亦出外良久不肯入諸痔皆由傷風房室不慎醉飽合陰陽致勞擾血氣而經脈流溢滲漏腸間衝發下部有一方而治之者名爲諸痔非爲諸病共成一痔痔久不瘥變爲瘦也

養生方云忍大便不出久作氣痔其湯熨針石別有正方補養宣導今附於後

養生方導引法云一足踏地一足屈膝兩手抱犢鼻下  
急挽向身極勢左右換易四七去痔五勞三里氣不下  
又云踞坐合兩膝張兩足不息兩遍治五痔

又云兩手抱足頭不動足向口受氣衆節氣散來去三  
七欲得捉左右側身各急挽腰不動去四支腰上下髓  
內冷血冷筋急悶痔

又云兩足相踏向陰端急蹙將兩手捧膝頭兩向極勢  
捧之二七竟身側兩向取勢二七前後努腰七去心勞  
痔病

牡痔候

肛邊生鼠乳出在外者時時出膿血者是也

疝 疝候 出者 疝候 出者 疝候 出者 疝候 出者  
疝 疝候 出者 疝候 出者 疝候 出者 疝候 出者  
疝 疝候 出者 疝候 出者 疝候 出者 疝候 出者

熱脈痔候

肛邊生瘡痒而復痛出血者脈痔也

腸痔候

肛邊腫核痛發寒熱而血出者腸痔也

小血痔候

因便而清血隨出者血痔也

又云 氣坐合兩氣 氣坐合兩氣 氣坐合兩氣 氣坐合兩氣

急張向長 急張向長 急張向長 急張向長 急張向長  
皖南建德

周氏校刊

巢氏諸病源候總論卷三十五

瘡病諸候 凡六十五論

頭面身體諸瘡候

夫內熱外虛爲風濕所乘則生瘡所以然者肺主氣候於皮毛脾主肌肉氣虛則膚腠開爲風濕所乘內熱則脾氣溫脾氣溫則肌肉生熱也濕熱相搏故頭面身體皆生瘡其瘡初如皰須臾生汁熱盛者則變爲膿隨瘡

隨發

頭面身體諸久瘡候

諸久瘡者內熱外虛爲風濕所乘則頭面身體生瘡其藏內熱實氣盛熱結肌肉其熱留滯不歇故瘡經久不

瘡

諸惡瘡候

諸瘡生身體皆是體虛受風熱風熱與血氣相搏故發瘡若風熱挾濕毒之氣者則瘡痒痛焮腫而瘡多汁身體壯熱謂之惡瘡也

養生方云銅器蓋食汁入食發惡瘡內疽也

又云醉而交接或致惡瘡 又云飲酒熱未解以冷水

洗面令惡瘡輕者戲炮 又云五月五日取棗葉三升

并華水擣取汁浴永不生惡瘡 又云井華水和粉洗

足不病惡瘡其湯熨針石別有正方補養宣導今附於

後

後 九龍瘡癰毒論卷三十五

養生方導引法云龍行氣叩頭下視不息十二通愈風  
疥惡瘡熱不能入

又云五月一日八月二日九月九日十月七日十一月  
四日十二月十三日沐浴除惡瘡

久惡瘡候

夫體虛受風熱濕毒之氣則生瘡痒痛焮腫多汁壯熱  
謂之惡瘡而濕毒氣盛體外虛內熱其瘡漸增經久不  
瘥爲久惡瘡

癩瘡候

癩瘡者由膚腠虛風濕之氣折於血氣結聚所生多著  
手足間遞相對如新生茱萸子痛痒抓搔成瘡黃汁出



浸淫生長拆裂時癢時劇變化生蟲故名痲瘡

燥癢瘡候

膚腠虛風濕搏於血氣則生痲瘡若濕氣少風氣多者

其痲則乾燥但痒搔之白屑出乾枯拆痛此蟲毒氣淺

在皮膚故名燥痲瘡也

濕痲瘡候

膚腠虛風濕搏於血氣生痲瘡若風氣少濕氣多其瘡

痛痒搔之汁出常濡濕者此蟲毒氣深在於肌肉內故

也

久痲瘡候

痲瘡積久不瘥者由膚腠虛則風濕之氣停滯蟲在肌

肉之間則生長常痒痛故經久不瘥

癬候

癬病之狀皮肉隱胗如錢文漸漸增長或圓或斜痒痛有匡郭裏生蟲搔之有汁此由風濕邪氣客於腠理復值寒濕與血氣相搏則血氣否澀發此疾也按九蟲論云蟻蟲在人腸內變化多端發動亦能爲癬而癬內實有蟲也

養生方云夏勿露面卧露下墮面皮厚及喜成癬

乾癬候

乾癬但有匡郭皮枯索痒搔之白屑出是也皆是風濕邪氣客於腠理復值寒濕與血氣相搏所生若其風毒

氣多濕氣少則風沈入深故無汁為乾癬也其中亦生蟲

濕癬候

濕癬者亦有匡郭如蟲行浸淫赤濕痒搔之多汁成瘡是其風毒氣淺濕多風少故為濕癬也其裏亦有蟲

風癬候

風癬是惡風冷氣客於皮折於血氣所生亦作圓文匡郭但抓搔頑痺不知痛痒其中亦有蟲

白癬候

白癬之狀白色砢砢然而痒此亦是腠理虛受風風與氣并血澀而不能榮肌肉故也

牛癬候

俗云以盆器盛水飲牛用其餘水洗手面即生癬名牛癬其狀皮厚抓之鞣強而痒是也其裏亦生蟲

圓癬候

圓癬之狀作圓文隱起四畔赤亦痒痛是也其裏亦生

蟲

狗癬候

俗云狗舐之水用洗手面即生癬其狀微白點綴相連亦微痒是也其裏亦生蟲

雀眼癬候

雀眼癬亦是風濕所生其文細似雀眼故謂之雀眼癬

搔之亦痒中亦生蟲

### 刀癬候

俗云以磨刀水用洗手面而生癬名爲刀癬其形無匡郭縱斜無定是也中亦生蟲

### 久癬候

久癬是諸癬有蟲而經久不瘥者也癬病之狀皮內隱胗如錢文漸漸增長或圓或斜痒痛有匡郭搔之有汁又有乾癬枯索痒搔之白屑出又有濕癬如蟲行浸淫赤濕痒搔之多汁又有風癬搔抓頑痺不知痛痒又有牛癬因飲牛餘水得之其狀皮厚抓之韌強又有圓癬作圓文隱起四面赤又有狗癬因以狗舐餘水洗手面

得之其狀微白點綴相連亦微痒又有雀眼癬作細文似雀眼搔之亦痒痛又有刀癬因以磨刀水洗手面得之其狀無匡郭縱邪無定如此之癬初得或因風濕客於肌膚折於血氣所生或因用牛狗所飲餘水洗手面得之至其病成皆有蟲侵食轉深連滯不瘥故成久癬

微癬 疥候 不甜入

疥者有數種有大疥有馬疥有水疥有乾疥有濕疥多生手足乃至遍體大疥者作瘡有膿汁焮赤痒痛是也馬疥者皮內隱嶙起作根墟搔之不知痛此二者則重水疥者痞癩如小瘰癧摘破有水出此一種小輕乾疥者但痒搔之皮起作乾痂濕疥者小瘡皮薄常有汁出

並皆有蟲人往往以針頭挑得狀如水內痲蟲此悉由  
皮膚受風邪熱氣所致也按九蟲論云螻蟲多所變化  
多端或作痲疥痔癩無所不爲其湯熨針石別有正方  
補養宣導今附於後  
養生方導引法云龍行氣叩頭下視不息十二通愈風  
疥惡瘡熱不能入

乾疥候

乾疥但痒搔之皮起作乾痂此風熱氣深在肌肉間故  
也其氣無汗燥燥無家取此之藥所膏起因風熱容  
心毒濕疥候

濕疥起小瘡皮薄常有水汁出此風熱氣淺在皮膚間

故也

### 熱瘡候

諸陽氣在表陽氣盛則表熱因運動勞役滕理則虛而開爲風邪所客風熱相搏留於皮膚則生瘡初作癩漿黃汁出風多則痒熱多則痛血氣乘之則多膿血故名熱瘡也

### 冷瘡候

凡身體發瘡皆是風熱所爲然血虛者亦傷於邪若重觸風寒則冷氣入於瘡令血澀不行其瘡則頑令不知痛痒亦經久難瘥名爲冷瘡

### 疽瘡候



此疽瘡是癘之類也非癰疽之疽世云癘疽卽是此也多發於支節腳脛間相對而作細孔如針頭其裏有蟲痒痛搔之黃汁出隨瘡隨發皆是風邪客於皮膚血氣之所變生亦有因諸淺瘡經久不瘥痒痛抓搔之或衣揩拂之其瘡則經久不瘥而變作疽瘡者裏皆有細蟲

甲疽候

甲疽之狀瘡皮厚甲錯剝起是也其瘡亦痒痛常欲抓搔之汁出其初皆是風邪折於血氣所生而裏亦有蟲

查疽候

查疽之狀隱胗赤起如今查樹子形是也亦是風邪客

於皮膚血氣之所變生也其瘡內有蟲亦痒痛時焮腫  
汁出

頑疽候

此由風濕客於皮膚血氣所變隱胗生瘡痒而不痛故

名頑疽

根疽候

根疽是諸雜瘡帶風濕苦痒數以手抓搔根觸便侵食  
潤久不瘥乃變生蟲故名根疽

月食瘡候

月食瘡生於兩耳及鼻面間并下部諸孔竅側侵食乃  
至筋骨月初則瘡盛月末則瘡衰以其隨月生因名之

爲月食瘡也又小兒耳下生瘡亦名月食世云小兒見月以手指指之則令病此瘡也其生諸孔竅有蟲久不瘥則變成癭也

天上病候

天上病者人神采昏塞身體沉重下部生瘡上食五臟甚者至死世人隱避其名故云天上病也此是腑臟虛腸胃之間蟲動侵食人五臟故也

甜瘡候

甜瘡生面上不痒不痛常有肥汁出汁所溜處隨卽成瘡亦生身上小兒多患之亦是風濕搏於血氣所生以其不痒不痛故名甜瘡

浸淫瘡候

浸淫瘡是心家有風熱發於肌膚初生甚小先痒後痛而成瘡汁出侵潰肌肉浸淫漸濶乃徧體其瘡若從口出流散四肢則輕若從四肢生然後入口者則重以其漸漸增長因名浸淫也

反花瘡候

反花瘡者由風毒相搏所爲初生如飯粒其頭破則血出便生惡肉漸大有根膿汁出肉反散如花狀因名反花瘡凡諸惡瘡久不瘥者亦惡肉反出如反花形

瘡建候

人身上患諸瘡熱氣盛者腫焮痛附畔別結聚狀如瘰

瘡者名爲瘡建亦名瘡根也

王爛瘡候

王音旺

王爛瘡者由腑臟實熱皮膚虛而受風濕與熱相搏故初起作癩漿漸漸王爛汁流浸漬故名王爛瘡也亦名王灼瘡其初作癩漿如湯火所灼也又名洪燭瘡初生如沸湯洒作癩漿赤爛如火燭故名洪燭也

白頭瘡候

白頭瘡者由體虛帶風熱遍身生瘡瘡似大疥痒漸白頭而有膿四邊赤疼痛是也

無名瘡候

此瘡非癰非疽非癬非疥狀如惡瘡或癢或劇人不能

名故名無名瘡也此亦是風熱搏於血氣所生也

猪灰瘡候

猪灰瘡者坐處生瘡赤黑有竅深如大豆許四邊青中  
中央作白陷而不甚痛狀如猪灰因以爲名此亦是風  
熱搏於血氣所生也

不痛瘡候

諸瘡久不瘥觸風冷有惡肉則搔針灸不覺痛因以不  
痛爲名

鴈瘡候

鴈瘡者其狀生於體上如濕癬癩瘍多著四支乃遍身  
其瘡大而熱疼痛得此瘡者常在春秋二月八月鴈來

時則發鴈去時便瘥故以為名亦云鴈過荆漢之域多有此病

蜂窠瘡候

其瘡如疽癭之類有小孔象於蜂窠因以為名此亦風濕搏於血氣之所生也

斷咽瘡候

此瘡繞頸而生皮傷赤若匝頸則害人此亦是風濕搏於血氣之所生也

毒瘡候

此由風氣相搏變成熱毒而生瘡於指節或指頭初似疥甚痒經宿乃紫黑也

瓠毒瘡候

俗云人有用瓠花上露水以洗手遇毒卽作瘡因以名之

晦瘡候

其瘡生皆兩兩相對頭戴白膿俗云人有誤小便故竈處卽生此瘡小兒多患也

集瘡候

此瘡十數箇集生一處因以爲名亦是皮膚偏有虛處風濕搏於血氣變生

屋食瘡候

方云犯屋所爲未詳其形狀



鳥啄瘡候

鳥啄瘡四畔起中央空是也此亦是風濕搏於血氣之

所變生以其如鳥鳥所啄因以名之也

攝領瘡候

攝領瘡如癬之類生於頸上痒痛衣領拂着即劇云是

衣領指所作故名攝領瘡也

雞督瘡候

雞督瘡生脇傍此瘡亦是風濕搏於血氣之所變生以

其形似雞屎因以為名也

斷耳瘡候

斷耳瘡生於耳邊久不瘥耳乃取斷此亦月食之類但

不隨月生長爲異此瘡亦是風濕搏於血氣所生以其斷耳因以爲名也

新婦瘡候

此瘡狀繞腰生如蠹蝮尿但不痛爲異耳此瘡亦是風濕搏於血氣所生而世人呼之爲新婦瘡也

土風瘡候

土風瘡狀如風疹而頭破乍發乍瘥此由肌腠虛疎風塵入於皮膚故也俗呼之爲土風瘡也

逸風瘡候

逸風瘡生則遍體狀如癬疥而痒此由風氣散逸於皮膚因名逸風瘡也

病源候論卷三十一  
二  
甌帶瘡候

甌帶瘡者繞腰生此亦風濕搏於血氣所生狀如甌帶  
因以爲名又云此瘡繞腰而則殺人

兔齧瘡候

凡疽發於脛名曰兔齧瘡一名血實瘡又隨月生死蓋  
月食之類非脛瘡也尋此瘡亦風濕搏於血氣血氣實  
熱所生故一名血實又名兔齧者亦當以其形狀似於  
兔齧因以爲名

血瘡候

血瘡者云諸患風濕搏於血氣而生瘡其熱氣發逸瘡  
但出血者名爲血瘡也

瘡中風寒水候

凡諸瘡生之初因風濕搏於血氣發於皮膚故生也若久不瘥多中風冷水氣若中風則噤瘳中冷則難瘥中水則腫也

露敗瘡候

凡患諸瘡及惡瘡初雖因風濕搏於血氣蘊結生熱蒸發皮肉成瘡若觸水露氣動經十數年不瘥其瘡瘀黑作痂如被霜瓠皮瘡內肉似斷故名露敗瘡也

瘡惡肉候

諸瘡及癰疽皆是風濕搏於血氣血氣蘊結生熱而發肌肉成瘡久不瘥者多生惡肉四邊突起而好肉不生

此由毒熱未盡經絡尙壅血氣不到故也

瘡瘥復發候

諸惡瘡皆因風濕毒所生也當時雖瘥其風毒氣猶在經絡者後小勞熱或食毒物則復更發

漆瘡候

漆有毒人有稟性畏漆但見漆便中其毒喜面痒然後胷臂胫膈皆悉搔痒面爲起腫繞眼微赤諸所痒處以手搔之隨手輦展起赤痞癩痞癩消已生細粟瘡甚微有中 Toxic 輕者證候如此其有重者遍身作瘡小者如麻豆大者如棗杏膿焮疼痛摘破小定或小瘡隨次更生若火燒漆其毒氣則厲著人急重亦有性自耐者終日

燒煮竟不爲害也

凍爛腫瘡候

嚴冬之月觸冒風雪寒毒之氣傷於肌膚血氣壅澁因

卽瘰凍焮赤疼腫便成凍瘡乃至皮肉爛潰重者支節

墮落

夏日沸爛瘡候

盛夏之月人膚腠開易傷風熱風熱毒氣搏於皮膚則

生沸瘡其狀如湯之沸輕者市市如粟粒重者熱汗浸

漬成瘡因以爲名世呼爲沸子也

傷瘡病諸候

凡四論

湯火瘡候

凡被湯火燒者初慎勿以冷物及井下泥尿泥及蜜淋  
搗之其熱氣得冷卽卻深搏至骨爛人筋也所以人中  
湯火後喜攣縮者良由此也

灸瘡急腫痛候

夫灸瘡膿潰已後更焮腫急痛者此中風冷故也

灸瘡久不瘥候

夫灸之法中病則止病已則瘡瘥若病勢未除或中風  
冷故久不瘥也

針灸瘡發洪候

夫針灸皆是節穴俞募之處若病甚則風氣衝擊於瘡  
凡血與氣相隨而行故風乘於氣而動於血血從灸瘡

處出氣盛則血不止名爲發洪

風刃亦能

辨濟表論



[Faint vertical text columns, likely bleed-through from the reverse side of the page]

皖南建德

周氏校刊

巢氏諸病源候總論卷三十六

獸毒病諸候

凡四論

馬齒踰人候

凡人被馬齒踰及馬骨所傷刺并馬韁絆勒所傷皆爲毒瘡若腫痛致煩悶是毒入腹亦斃人

馬毒入瘡候

凡人先有瘡而乘馬汗并馬毛垢及馬屎尿及坐馬皮鞮並能有毒毒氣入瘡致焮腫疼痛煩熱毒入腹亦斃人

獠狗嚙候

凡獠狗嚙人七日輒一發過三七日不發則無苦也要

過百日方大免耳當終身禁食犬肉及蠶蛹食此發則死不可救矣瘡未愈之間禁食生魚豬雞膩過一年禁之乃佳但於飲下飯蒸魚及於肥器中便發若人曾食落葵得犬嚙者自難治若瘡瘥十數年後食落葵便發

狗嚙重發候

愚者共患手誤又患風氣又患

凡被狗嚙瘡忌食落葵及狗肉云雖瘥經一二年但食此者必重發重發者與初被嚙不殊其狗狗嚙瘡重發則令人狂亂如獠狗之狀

蛇毒病諸候

凡五論

蛇螫候

凡四論

凡中蛇不應言蛇皆言蟲及云地索勿正言其名也惡

蛇之類甚多而毒有瘥劇時四月五月中青蛙三角蒼  
虺白頸大蜴六月七月中竹狩艾蝮黑甲赤目黃口反  
鈎白蛙三角此皆蛇毒之猛者中人不卽治多死又有  
赤連黃頷之類復有六七種而方不盡記其名水中黑  
色者名公蠟山中一種亦相似不常聞螫人又有鈎蛇  
尾如鈎能倒牽人獸入水沒而食之又南方有啣蛇人  
忽傷之不死終身伺覓其主不置雖百人衆中亦直來  
取之惟遠去出百里乃免耳又有拖蛇長七八尺如船  
拖狀毒人必死卽削取船拖煮汁漬之便瘥但蛇例雖  
多今皆以青條矯尾白頸艾蝮其毒尤劇大者中人若  
不卽治一日間舉體洪腫皮肉圻爛中者尙可得二三

日也凡被蛇螫第一禁第二藥無此二者有全劑雄黃麝香可預辦故山居者宜令知禁法也又惡蛇螫者人卽頭解散言此蛇名黑帝其瘡冷如凍凌此大毒惡不治一日卽死若頭不散此蛇名赤帝其毒小輕瘡上冷不治故得七日死凡蛇瘡未愈禁熟食熟食便發治之依初被螫法也

蝮蛇螫候

凡蝮中人不治一日死若不早治之縱不死者多殘斷人手足蝮蛇形乃長頭褊口尖頸斑身亦艾斑色青黑人犯之頸腹帖著地者是也江東諸山甚多其毒最烈草行不可不慎又有一種狀如蝮而短有四腳能跳來

嚙人名曰千歲蝮中人必死然其嚙人竟卽跳上樹作聲云斫木者但營棺具不可救若云擣菽者猶可治吳音呼藥爲菽故也

### 虺螫候

虺形短而褊身亦赤黑色山草自不甚多每六七月中午時出路上喜入車轆中令車轆腹破而子出人侵晨及冒昏行者每傾意看之其螫人亦往往有死者

### 青蛙蛇螫候

青蛙蛇者正綠色喜綠樹及竹上自掛與竹樹色一種人看不覺若入林中行有落人項背上者然自不傷齧人齧人必死此蛇無正形極大者不過四五寸世人皆

呼爲青條蛇言其與枝條同色乍看難覺其尾二三寸色黑者名螭尾毒最猛烈中人立死

### 蝮毒候

此是諸毒蛇夏日毒盛不泄皆齧草木及吐毒著草木上人誤犯著此者其毒如被蛇螫不殊但瘡腫上有物如蟲蛇眼狀以此別之名爲蝮毒

### 雜毒病諸候

凡十四論

### 蜂螫候

蜂類甚多而方家不具顯其名唯地中大土蜂最有毒一螫中人便卽倒悶舉體洪腫諸藥治之皆不能卒止舊方都無其法雖然不肯殺人有禁術封唾亦微效又

有瓠瓠蜂抑亦其次餘者猶瘥

蠍螫候

此蟲五月六月毒最盛云有八節九節者彌甚螫人毒勢流行多至牽引四支皆痛過一周時始定

蠶螫候

陶隱居云蠶蟲方家亦不能的辯正云是蠃蜒子或云是小烏蟲尾有兩歧者然皆恐非也疑卽是蠍蠍尾歧而曲上故周詩云彼都人士拳髮如蠶

蜈蚣螫候

此則百足蟲也雖復有毒而不甚螫人人誤觸之者故時有中其毒



蜚蠊著人候

江東及嶺南無處不有蜚蠊蜚蠊乃是兩種物蜚者在水裏名爲山蜚在水裏名馬蜚皆長四五寸許黑色身滑人行涉山水卽著人肉不甚痛而痒兩頭皆能啣人血血滿腹便自脫地無甚毒害蝨者無不背作文理粗澀多著龜螺殼上若著人肉卽於肉裏生子乃至十數枚經日便腫痒隱軫起久久亦成瘡癩

石蛭螫人候

山中草木及路上石上石蛭著人則穿嚙肌皮行人肉中浸淫起瘡灸斷其道則愈凡行山草之中常以膏和藥塗足脛則蛭不得著人

蠶嚙候蘇氏亦云蠶候毒也

蠶既是人養之物性非毒害之蟲然時有嚙人者乃令人增寒壯熱經時不瘥亦有因此而致斃斯乃一時之怪異救解之方愈

甘鼠嚙候

此卽鼯鼠也形小而口尖多食傷牛馬不甚痛云其日甜故名甘鼠時有嚙人者

諸魚傷人候

魚類甚多其鮪魮鯨鮐之徒鬐骨芒刺有毒傷人則腫

痛

惡颯嚙候颯房中切

惡蠅一名滿大如毒蟬似蝗無尾前有兩角觸後則傍後觸前則卻行生於樹皮內及屋壁間又喜在紙書內圓似榆莢其色赤黑背橫理二月生十月螫螫人唯以三時五月六月七月尤毒初如胞狀中央紫黑大如粟粒四傍微腫焮焮色赤或有青色者痒喜搔之若飲酒房室近不過八九日遠不過十餘日爛潰爲膿汁亦殺人

狐尿刺候愈

云是野狐尿棘刺頭有人犯之者則多中於人手指足指腫痛焮熱有端居不出而着此毒者則不必是狐尿刺也蓋惡毒氣耳故方亦云惡刺毒者也

百生 蚝蟲螫候

此則樹上毛蟲耳以其毛刺能螫人故名蚝蟲此毒蓋  
輕不至深斃然亦甚痛螫處作軫起者是也

小如 蠖蝮尿候

蠖蝮蟲云能尿人影卽令所尿之處慘痛如芒刺亦如  
蚝蟲所螫然後起細痞癩作聚如茱萸子狀其痞癩徧  
赤中央有白膿如粟粒亦令人皮肉拘急惡寒壯熱極  
者連起多着腰脇及胸若繞腰匝徧者重也

入井塚墓毒氣候

凡古井塚及深坑穽中多有毒氣不可輒入五月六月  
間最甚以其鬱氣盛故也若事輒必須入者先下雞鴨

痲瘋候論卷三十六  
毛試之若毛旋轉不下卽是有毒便不可入

凡金瘡病諸候  
論  
凡二十三論  
不可入

### 金瘡初傷候

夫被金刃所傷其瘡多有變動若按瘡邊乾急肌肉不生青黃汁出瘡邊寒清肉消臭敗前出赤血後出黑血如熟爛骨及血出不止白汁隨出如是者多凶若中絡脉髀內陰股天聰眉角橫斷腓腸乳上及與鳩尾攢毛小腹尿從瘡出氣如賁脉及腦出諸瘡如是者多凶少愈診金瘡血出太多其脉虛細者生數實大者死小者生浮大者死所傷在陽處者去血四五斗脉微緩而遲者生急疾者死

金瘡血不止候

金瘡血出不斷其脉大而止者三七日死金瘡血出不  
可止前赤後黑或黃或白肌肉腐臭寒冷鞣急者其瘡  
難愈亦死

金瘡內漏候

凡金瘡通內血多內漏若腹脹滿兩脇脹不能食者死  
瘀血在內腹脹脉牢大者生沉細者死

毒箭所傷候

夫被弓弩所傷若箭鏃有毒藥入人皮肤脉令人短氣須  
臾命絕口噤唇乾血爲斷絕腹滿不言其人如醉未死  
之間爲不可治若榮衛青瘀血應時出瘡邊温熱口開

能言其人乃活毒箭有三種嶺南夷俚用焦銅作箭鏃  
次嶺北諸處以蛇蟲毒熬物汁着管中漬箭鏃此二種  
纔傷皮便洪腫沸爛而死唯射豬犬雖困得活以其噉  
糞故也人若中之便卽食糞或飲糞汁并塗瘡卽愈不  
爾須臾不可復救茵箭着寬處者雖困漸治不必死若  
近胸腸便宜速治小緩毒入內則不可救

### 金瘡腸出候

此謂爲矛箭所傷若中於腹則氣激氣激則腸隨瘡孔  
出也

### 金瘡腸斷候

夫金瘡腸斷者視病深淺各有死生腸一頭見者不可

連也若腹痛短氣不得飲食者大腸一日半死小腸三日死腸兩頭見者可速續之先以針縷如法連續斷腸便取雞血塗其際勿令氣泄卽推內之腸但出不斷者當作大麥粥取其汁持洗腸以水漬內之當作研米粥飲之二十餘日稍作強糜食之百日後乃可進飲耳飽食者令人腸痛決漏常服錢屑散若腸腹臃<sub>音</sub>從瘡出有死者有生者但視病取之各有吉凶刪出如手其下牢核煩滿短氣發作有時不過三日必死刪下不留安定不煩喘息如故但瘡痛者當以生絲縷繫絕其血脉當令一宿乃可截之勿閉其口膏稍導之

金瘡筋急相引痛不得屈伸候



夫金瘡愈已後肌肉充滿不得屈伸者此由傷絕經筋榮衛不得循行也其瘡雖愈筋急不得屈伸也

金瘡傷筋斷骨候

夫金瘡始傷之時半傷其筋榮衛不通其瘡雖愈合後仍令痺不仁也若被瘡截斷諸解身軀肘中及腕膝髀若踝際亦可連續須急及熱其血氣未寒碎骨便更縫連其愈後直不屈伸若碎骨不去令人痛煩膿血不絕不絕者不得安諸中傷人神十死一生

箭鏃金刃入肉及骨不出候

箭鏃金刃中骨骨破碎者須令箭鏃出仍應除碎骨盡乃傅藥不爾瘡永不合縱合常疼痛若更犯觸損傷便

驚血沸漬有死者

金瘡中風瘳候

夫金瘡瘳者此由血脉虛竭飲食未復未滿月日榮衛傷穿風氣得入五藏受寒則瘳其狀口急背直搖頭馬鳴腰爲反折須臾大發氣息如絕汗出如雨不及時救者皆死凡金瘡卒無汗者中風也邊自出黃汁者中水也並欲作瘳急治之又痛不在瘡處者傷經絡亦死

金瘡驚瘳候

夫金瘡愈閉後忽驚腫動起糜沸跳手大者如孟小者如盃名爲盜血此由肌未定裏不滿因作勞起早故令盜血涌出在人皮中不肯自消亦不成膿反牢核又有

病源候論卷三十一  
加血加血者盜血之滿也其血凝深不可妄破破之者  
盜血前出不可禁止加血追之出即滿瘡中便留止令  
人短氣須臾命絕

### 金瘡因交接血驚出候

夫金瘡多傷經絡去血損氣其瘡未瘥則血氣尙虛若  
因而房室致情意感動陰陽發泄驚觸於瘡故血汗重  
出

### 金瘡驚悸候

金瘡失血多者必驚悸以其損於心故也心主血血虛  
則心守不安心守不安則喜驚悸悸者心動也

### 金瘡煩候

金瘡損傷血氣經絡空虛則生熱熱則煩痛不安也

金瘡欬候

金瘡傷血損氣氣者肺之所主風邪中於肺故欬也

金瘡渴候

夫金瘡失血則經絡空竭津液不足腎臟虛燥故渴也

金瘡蟲出候

夫金瘡久不瘥及裏縛不如法瘡內敗壞故生蟲也

金瘡着風候

夫金瘡乾無汁亦不大腫者中風也寒氣得大深者至

藏便發作瘕多凶少愈中水者則腫多汁或成膿

金瘡着風腫候

此由瘡着於風風氣相搏故腫也

金瘡成癰腫候

夫金瘡冬月之時衣厚絮温故裏欲薄夏月之時衣單日涼故裏欲厚重寒傷榮重熱傷衛筋勞結急肉勞驚腫骨勞折沸難可屈伸血脉勞者變化作膿榮衛不通留結成癰凡始縫其瘡各有縱橫雞舌隔角橫不相當縫亦有法當次陰陽上下逆順急緩相望陽者附陰陰者附陽腠理皮脉復令復常但亦不晬略作一行陰陽閉塞不必作膿榮衛不通留結爲癰晝夜不臥語言不同碎骨不去其人必凶雞舌隔角房不相當頭毛解脫忘失故常瘡不再縫膏不再漿

金瘡中風水候

夫金瘡裏縛不密爲風水氣所中則疼痛不止而腫痛

内生青黃汁

金瘡下血虛竭候

金刃中於經絡者下血必多腑臟空虛津液竭少無血

氣榮養故須補之

金瘡久不瘥候

夫金瘡有久不瘥者膿汁不絕肌肉不生者其瘡內有破骨斷筋伏血腐肉缺刃竹刺久而不出令瘡不愈喜出青汁當破出之瘡則愈

腕傷病諸候

凡九論

并治傷論 卷三十一  
被頭破腦出候

夫被打陷骨傷腦頭眩不舉戴眼直視口不能語咽中  
沸聲如狔子喘口急手爲妄取一日不死三日小愈

夫金腕折破骨傷筋候

凡人傷折之法卽夜盜汗者此髓斷也七日死不汗者  
不死

夫金卒被損瘀血候

夫有瘀血者其人喜忘不欲聞物聲病人胸滿唇萎舌  
青口燥但欲漱水不欲咽無熱脉微大來遲腹不滿其  
人言我腹滿爲有瘀血汗當出不出內結亦爲瘀病人  
胸滿口乾體痛渴無寒熱爲有瘀血腹滿口燥不渴唾

如漿狀此有留血爾從高頓仆內有血腹脹滿其脈牢  
强者生小弱者死得咎掠內有結血脈實大者生虛小  
者死其湯熨針石別有正方補養宣導今附於後

養生方導引法云端坐生腰舉左手仰掌以右手承右  
脇以鼻內氣自極七息除瘀血結氣又云鼻內氣口閉  
自極七息除兩脇下積血氣 又云端坐生腰舉左手  
右手承右脇鼻內氣七息除瘀血 又云端坐右手持  
腰鼻內氣七息左右尻頭各三十止除體瘀血項頸痛  
又云雙手搦腰手指相對向盡勢前後振搖二七又  
將手大指向後極勢振搖二七不移手上下對與氣下  
盡勢來去三七去雲門腰掖血氣閉塞



壓迫墜墮內損候

進音黃

此為人卒被重物壓迫或從高墜下致吐下血此傷五內故也

腕傷初繫縛候

夫腕傷重者為斷皮肉骨髓傷筋脉皆是卒然致損故血氣隔絕不能周榮所以須善繫縛按摩導引令其血氣復也

被損久瘀血候

此為被損傷仍為風冷搏故令血瘀結在內久不瘥也

腕折中風瘳候

夫腕折傷皮肉作瘡者慎不可當風及自扇若風入瘡

內犯諸經絡卽致癱瘓者脊背強直口噤不能言也

腕折中風腫候

此爲風入瘡內而不入經絡其搏於氣故但腫也

刺傷中風水候

此爲竹木所刺傷其瘡中風水者則腫痛乃至成膿

湖深苦末湖廣樹其森中風水皆似鯉鱗以生風  
賦中風水地

湖深風入壑河而不大湖益其勢氣氣新則無

賦中風水地

阮南建德

內賦中風水地  
周氏校刊